

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 33. stav 2. i 3. Zakona o privatizaciji preduzeća (“Službene novine Federacije BiH”, broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), člana 28. stav (1) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22, 14/22 i 18/22), člana 1. i 2. Odluke Vlade Zeničko-dobojskog kantona o otvaranju namjenskog računa u Razvojnoj banci Federacije Bosne i Hercegovine i određivanju ovlaštenih potpisnika naloga platnih transakcija (“Službene novine Zeničko-dobojskog kantona”, broj: 14/17), tačke I. Zaključka Vlade Zeničko-dobojskog kantona broj: 02-14-15200/17 od 02.11.2017. godine i člana 3. Ugovora o namjenskom depozitu broj: 07-14-19795-9-1/14 od 21.12.2017. godine, na prijedlog Ministarstva finansija, Vlada Zeničko-dobojskog kantona, na 1. sjednici, održanoj dana 29.12.2022. godine, d o n o s i

ODLUKU

o prenosu sredstava deponovanih na posebnom ESCROW računu Zeničko-dobojskog kantona na poseban fond Razvojne banke Federacije Bosne i Hercegovine

Član 1.

(Prenos sredstava deponovanih na posebnom ESCROW računu Zeničko-dobojskog kantona na poseban fond Razvojne banke Federacije Bosne i Hercegovine)

(1) Vršiti se prenos sredstava deponovanih na posebnom ESCROW računu Zeničko-dobojskog kantona po osnovu povrata rata kredita, odobrenih iz sredstava dobijenih prodajom preduzeća u procesu privatizacije na području Zeničko-dobojskog kantona, u ukupnom iznosu od 420.000,00 KM na poseban fond Razvojne banke Federacije Bosne i Hercegovine, uplatom na transakcijski račun Razvojne banke br. 195-001-00000014-89.

(2) Dio sredstva iz stava (1) ovog člana u iznosu od 350.000,00 KM će se koristiti na osnovu odluka Vlade Kantona, za poticaje privredi na području Zeničko-dobojskog kantona, u skladu sa Ugovorom o namjenskom depozitu broj: 07-14-19795-9-1/14 od 21.12.2017. godine, zaključenim između Razvojne banke Federacije Bosne i Hercegovine i Vlade Zeničko-dobojskog kantona, radi realizacije dijela Programa utroška budžetskih sredstava u 2022. godini (Subvencije privatnim preduzećima i poduzetnicima - ESCROW) Ministarstva za privredu Zeničko-dobojskog kantona, na koji je saglasnost dala Vlada Zeničko-dobojskog kantona, Zaključkom broj: 02-11-12288/22 od 11.08.2022. godine i broj: 02-11-16260/22 od 03.11.2022. godine, i to:

a) za realizaciju programa „Podrška razvoju konkurentnosti privrede (investiranje u opremu)“ u iznosu 300.000,00 KM, i

b) za realizaciju programa „Subvencioniranje administrativnih troškova kod izgradnje proizvodnih objekata“ u iznosu 50.000,00 KM.

Član 2.

(Izdvajanje dijela sredstava sa namjenskog računa u Razvojnoj banci FBiH na račun fonda Federalnog zavoda za penzijsko i invalidsko osiguranje)

(1) Daje se ovlaštenje Razvojnoj banci Federacije Bosne i Hercegovine za izdvajanje dijela sredstava sa računa namjenskog depozita otvorenog kod Razvojne banke Federacije Bosne i Hercegovine za potrebe Zakonom utvrđene obaveze sanacije i osiguranja osnovnog kapitala fonda Federalnog zavoda za penzijsko i invalidsko osiguranje, u iznosu od 70.000,00 KM.

(2) Sredstva u visini navedenoj u stavu (1) ovog člana će se prenijeti sa ESCROW računa

Zeničko-dobojskog kantona na poseban fond Razvojne banke Federacije Bosne i Hercegovine, nakon čega će se sa računa namjenskog depozita otvorenog kod Razvojne banke Federacije Bosne i Hercegovine uplatiti na poseban račun Federalnog zavoda za penzijsko i invalidsko osiguranje.

Član 3.

(Ovlašteni potpisnici naloga platnih transakcija)

Za ovlaštene potpisnike naloga platnih transakcija sa namjenskog računa u Razvojnoj banci Federacije Bosne i Hercegovine, od strane Vlade Zeničko-dobojskog kantona određuju se:

- a) Amra Mehmedić, premijer Zeničko-dobojskog kantona,
- b) Dženana Čišija, ministar Ministarstva finansija.

Član 4.

(Realizacija Odluke)

Za realizaciju ove odluke zadužuju se Ministarstvo finansija Zeničko-dobojskog kantona, Ministarstvo za privredu Zeničko-dobojskog kantona i Razvojna banka Federacije Bosne i Hercegovine, svako u okviru svoje nadležnosti.

Član 5.

(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-19418/22

Datum, 29.12.2022. godine

Z e n i c a

DOSTAVLJENO:

1x Ministarstvo finansija,

1x Ministarstvo za privredu,

1x Razvojna banka Federacije Bosne i Hercegovine,

ul. Igmanska broj 1., 71000 Sarajevo,

putem Ministarstva finansija,

1x „Službene novine Zeničko-dobojskog kantona“,

1x a/a.